

agere: Vt præstantes quosq; uiros odisset & abesse longius uellet. Mandatorum hæc fuit summa: Audisse Theodoricum Iustini edictum de catholicis & arrianis. Non dubitare hoc in sui contumeliam factum: Quem iam pridem infensum habuerint & Anastasius pater: & Iustinus filius: nulla quidem ipsius culpa: Sed ob italicum regnum iustis armis quæsitum conseruatumq; & auctum summa cum iustitia & diligetia. Proinde bene quoq; agi cum Iustino: Si imperium ipse suum tam diligenter administret. Vt illi supersit tempus otiumq; ad hæc sacerdotalia iudicia curanda. Censere præstantius esse: ut reges pontificesq; seorsum quisq; munera sua obcant. Certent inter se uerbis sacerdotes: Dummodo ui temperent & armis Moneant igitur iustinum ut absteat edicto: Qd nisi fecerit: certiore faciat quicquid ille iniuriæ intulerit arrianis ecclesiis: Idem quoq; se catholicis illaturum. Iustinus legatos maximis honoribus accepit: Et præcipue Ioannem pontificem. Nam & populus omnis longe obuiam illi ab urbe progressus est cum sacra omni pompa. Et iustinus genibus se se pontificis summisit. Legati deinde potestate dicendi facta: Afferimus inquit o imperator duram nimium legationem: quam perfidi & crudelissimi Regis ferox & superbus animus imperauit: Tuum erit deligere quod omnipotens deus optimum in tantæ rei suæ discrimine demonstrabit. Mandata deinde exponunt. Audiuit eos iustinus magna cum moderatiõe: ut nihil commoueretur mandatorum superbia & indignitate. Consultis deinde legatis quid in eo rei christianæ periculo agendum esset. Tandem uariis inter eos habitis disceptationibus. Iustinus ex communi sententiâ misereri maluit eorum malorum: quæ facile consecutura animo conciperet: q̄ rem christianam & totum fere orbem perditum ire. Itaq; differre edictum satius existimarunt cæterum quid profuit cum superbo & obstinato homine māsuetudo: Barbarum diutius ingenium Theodoricus metiri non potuit. Nam iustini facilitas quæ mollire illius animum debuerat: maiorem immodum efferauit. Siquidem inuidia percitus: qd maximo amore Iustinus & Pontificem & legatos habuisset: quasi in ipsius cõtumeliam factum: Insimulatos uariis criminibus in carcerem coniectos fame deinde atq; inedia necauit. Pari rabie deseuit in multos Romani senatus principes. Boecium seuerinum: & symmachum focerum uiros consulares atq; summæ auctoritatis: Apud Papiam relegatos interfici iussit. Boecium qui librum nobilissimum de trinitate quasi aduersus arrianos in eius cõtumeliam composuisset. Ipse nõ multo post ut nonnulli uolunt a poplesi: nonnulli uentris profluuiio magnis cruciatibus extinctus est: Anno duo de .xl. post adeptum Italiae regnum Auctor est procopius post Boecium symmachumq; interfectos: cū cenati Theodorico caput piscis esset oblatum: refugisse theodoricum quasi symmachi faciem oblatam. Illud autem caput toruos in eum oculos defixisse